

Uslovi i odredbe korištenja Samsung usluga

Datum objavljivanja: 17. marta 2025. godine

DOBRO DOŠLI

Dobro došli! Hvala vam što se interesujete za naše usluge.

Mi, kompanija Samsung Electronics Co., Ltd. („mi”, „naš” ili „Samsung”) zajedno sa našim povezanim preduzećima, obezbjeđujemo raznovrsne funkcije, aplikacije i usluge u kojima možete uživati upotrebljavajući naše mobilne uređaje, televizore i ostale proizvode koji su navedeni

ovdje („Usluge”), a ovi Uslovi i odredbe („Uslovi”) obuhvataju vašu upotrebu Usluga.

PRIHVATANJE NAŠIH USLOVA

Kreiranjem računa ili koristeći naše Usluge, potvrđujete da prihvatate ove Uslove. Također potvrđujete da:

1. ste napunili 18; ili

2. imate 13 ili više, a manje od 18 („Maloljetno lice”), da ste pregledali ove Uslove sa vašim roditeljem ili starateljem i da ste vi i vaš roditelj ili staratelj razumjeli i prihvatili uslove i odredbe ovih Uslova. Ukoliko ste roditelj ili zakonski staratelj koji daje dopuštenje Maloljetnom licu da koristi ove Usluge, prihvatate da: (i) nadzirete način na koji maloljetnik koristi Usluge; (ii) preuzimate sve rizike u vezi s maloljetnikovim korištenjem Usluga; (iii) preuzimate sve zakonske obaveze koje proističu iz maloljetnikovog korištenja Usluga; (iv) vodite računa da sve informacije koje dostavlja maloljetnik ili vi budu tačne i istinite; te (v) preuzimate odgovornost i obavezujete se ovim Uslovima korištenja za pristup Maloljetnog lica i korištenje Usluga.

3. možete biti spriječeni da kreirate račun ili upotrebljavate naše Usluge zbog naše politike pristupačnosti u skladu s primjenjivim zakonima i propisima u vašoj jurisdikciji.

Možda ćemo ponekad morati da promijenimo ove uslove, na primjer, kako bismo ih uskladili sa promjenama u zakonu ili promjenama samih usluga. Obavijestiti ćemo vas o svim promjenama objavljivanjem ažuriranih uslova na našem veb sajtu. Ako se radi o materijalnim promjenama, jer na primjer mijenjaju vaša prava i obaveze ili ograničavaju način vašeg korišćenja naših usluga, poslat ćemo vam obavještenje na adresu e-pošte koja je povezana s vašim Samsung account računom ili ćemo vas primjereno obavijestiti putem usluga prije nego što ažurirani uslovi stupe na snagu, uz izuzetak za promjene koje se odnose na nove usluge ili za promjene za koje zakon zahtijeva da odmah stupe na snagu. Ako ne prihvatite promjene, možete prestati koristiti naše usluge i izbrisati svoj Samsung account račun. Nastavkom korišćenja naših usluga nakon što ažurirani uslovi stupe na snagu, potvrđujete da razumijete i prihvatate ažurirane uslove.

KORIŠTENJE NAŠIH USLUGA

LICENCA | Dajemo vam ograničenu, neisključivu, neprenosivu i opozivu licencu za korištenje naših Usluga. Naše Usluge možete koristiti samo u lične i nekomercijalne svrhe u skladu s ovim Uslovima i uputama koje pružamo unutar naših Usluga. Sve reference na naše Usluge uključuju sav povezani sadržaj i bilo koje druge materijale korištene za implementaciju i pružanje pristupa našim Uslugama, uključujući

ažuriranja, nadogradnje, poboljšanja, izmjene, revizije ili dodatke našim Uslugama koje vam stavljamo na raspolaganje. Razumijete i prihvatate da naše Usluge pripadaju nama i našim partnerima i da su zaštićene važećim autorskim pravima, zaštitnim znakovima, poslovnom tajnom, patentom i drugim zakonima i ugovorima o intelektualnoj svojini. Ovi Uslovi vam ne daju nikakav vlasnički udio nad našim Uslugama, samo ograničeno pravo korištenja koje se po ovim Uslovima može opozvati. Dostupnost i funkcije naših Usluga se mogu razlikovati ovisno o mjestu u kojem živite, koji uređaj koristite, koji softver ili verziju operativnog sistema imate ili koliko godina imate.

UPUTSTVA ZA KORISNIKE | Trudimo se da zaštitimo sigurnost i bezbjednost svih korisnika naših Usluga. Također se trudimo da naše Usluge učinimo dostupnim bez prekida. Da biste nam pomogli da ispunimo ove ciljeve, slažete se da:

1. Nećete vršiti obrnuti inženjering, dekompilirati, rastaviti ili pokušati otkriti izvorni kod ili algoritme naših Usluga.
2. Nećete izmijeniti ili onemogućiti nijednu funkciju naših Usluga.
3. Nećete stvarati nikakve izvedene radove na osnovu naših Usluga.
4. Nećete iznajmljivati, davati na lizing, pozajmljivati, podlicencirati ili pružati bilo kakve komercijalne hosting usluge upotrebom naših Usluga.
5. Nećete kršiti naša prava intelektualnog vlasništva ili prava bilo koga drugog dok koristite naše Usluge.
6. Nećete koristiti naše Usluge na bilo koji način kojim se krše ovi Uslovi ili bilo koji zakoni, pravila, propisi, kodeksi postupanja, smjernice ili bilo koji drugi zahtjevi regulatornih tijela, koji se povremeno mijenjaju, unutar pravnog sistema u kom ste rezident ili u kom koristite Usluge („Važeći zakon”).
7. Nećete koristiti naše Usluge na bilo koji prevarantski ili zlonamjerman način, na primjer za unošenje virusa, zlonamjernog koda ili štetnih podataka.
8. Nećete koristiti naše Usluge na bilo koji način koji može oštetiti, onemogućiti, preopteretiti, umanjiti ili ugroziti naše sisteme ili zaštitu ili ometati druge korisnike.
9. Nećete prikupljati ili iskoristiti nikakve informacije ili podatke iz naših Usluga ili sistema ili pokušati da dešifrujete bilo koji prenos na ili sa servera koji pokreću naše Usluge, osim u mjeri u kojoj je to dozvoljeno Važećim zakonom.

INTERNET | Naše Usluge mogu zahtijevati pristup internetu kako bi vam pružili određene funkcije. Slažete se da pristup internetu može dovesti do troškova u zavisnosti od vašeg plana plaćanja i da nismo odgovorni za dostupnost ili brzinu interneta.

AŽURIRANJA | Uvijek radimo na poboljšanju naših Usluga. Da bismo sa vama podijelili poboljšanja i nove funkcije, možemo obezbijediti ažuriranja ili nadogradnje naših Usluga. Cilj ovih ažuriranja i nadogradnji je da poboljšaju, unaprijede i dalje razviju naše Usluge i mogu uključivati ispravke grešaka, zakrpe, poboljšane funkcije, dodatke i nove verzije. Osnovna ažuriranja, poput kritičnih ispravki programskih grešaka ili zaštitnih ažuriranja, mogu se automatski preuzimati i instalirati bez vašeg pristanka radi zaštite vas i drugih korisnika. Za ostala ažuriranja koja nisu osnovna bit ćete unaprijed obaviješteni i moći ćete odabrati želite li preuzeti i aktivirati ažuriranje.

USLUGE TREĆE STRANE | Sarađujemo sa globalnom mrežom partnera kako bismo vam pružili koristan sadržaj u našim Uslugama. To može uključivati informacije, linkove, oglase ili drugi sadržaj koji pružaju treće strane („Usluge trećih strana”). Nećemo snositi odgovornost za bilo koje Usluge treće strane i nemamo kontrolu nad tim uslugama, te ne odgovaramo za bilo kakve štete ili gubitke koje prouzrokuju bilo koje Usluge treće strane.

OGLASI | Besplatno pružamo većinu funkcija naših Usluga. Da bi ove funkcije ostale besplatne, možemo vam prikazati oglase ili promocije koje smo osigurali mi ili treće strane dok koristite naše Usluge.

Možda će biti potrebno da otvorite račun da biste koristili neke od naših Usluga („Samsung account”). Ovi Uslovi primjenjivat će se na vaš Samsung account, kao i na vašu upotrebu pojedinačnih Usluga. Kreiranjem i održavanjem Samsung accounta slažete se da ćete:

1. Dostaviti tačne i kompletne tražene podatke kada kreirate svoj račun, uključujući svoje ime, datum rođenja, adresu e-pošte i telefonski broj.
2. Ažurirati svoj račun ako se bilo koji podaci koje ste dali o vama promijene.
3. Zaštititi svoju lozinku i nećete je dijeliti ni sa kim.
4. Odmah nas kontaktirati ako sumnjate da neko drugi koristi vaš račun.

Možete da izbrišete svoj Samsung account u bilo kom trenutku na našoj web lokaciji.

Pogledajte naše Obavještenje o privatnosti za više informacija o tome kako Samsung koristi informacije koje dostavite kada kreirate Samsung account i zašto su ove informacije neophodne; na primjer, da bi se osiguralo da vaš Samsung account bude zaštićen. Imajte na umu da nećete moći kreirati ili održavati Samsung account, ako ne dostavite tražene informacije.

SAMSUNG ACCOUNT

Možda će biti potrebno da otvorite račun da biste upotrebljavali neke od naših Usluga („Samsung account”). Kreiranjem Samsung accounta slažete se da ćete:

1. Dati tačne i potpune informacije prilikom kreiranja računa.
2. Ažurirati svoj račun ako se bilo koji podaci koje ste dali o vama promijene.
3. Zaštititi svoju lozinku i nećete je dijeliti ni sa kim.
4. Odmah nas kontaktirati ako sumnjate da neko drugi koristi vaš račun.

Možete da izbrišete svoj Samsung account u bilo kom trenutku na našoj web lokaciji.

KORISNIČKI SADRŽAJ

Neke naše Usluge omogućavaju da dijelite stvari poput komentara, fotografija, poruka ili dokumenata sa nama ili sa drugim korisnicima. Kada dijelite sadržaj, nastavljate da posjedujete prava intelektualne svojine na svoj sadržaj i slobodni ste da dijelite sadržaj s kim god želite na bilo koji način. Međutim, da biste koristili svoj sadržaj u našim Uslugama, morate nam dati licencu za sav sadržaj koji kreirate ili otpremite pomoću naših Usluga. Kada učitavate, prenosite, kreirate, objavljujete, prikazujete ili na bilo koji drugi način dajete bilo kakve informacije, materijale, dokumente, medijske datoteke ili drugi sadržaj

na našim Uslugama („Korisnički sadržaj”) ili putem njih, dajete nam neopozivu, neograničenu, globalnu, besplatnu i neisključivu licencu za kopiranje, reprodukciju, prilagođavanje, modifikovanje, uređivanje, distribuciju, prevođenje, objavljivanje, javno izvođenje i javno prikazivanje takvog Korisničkog sadržaja („Licenca za korisnički sadržaj”), kako bismo pružali naše Usluge vama i drugim korisnicima. Trudimo se da Korisnički sadržaj ostane bezbjedan, ali ne odgovaramo ako se izgubi bilo koji vaš Korisnički sadržaj ili drugi podaci. Trebate čuvati lokalne kopije ili praviti rezervne kopije sadržaja i drugih podataka u slučaju da nešto pođe po zlu.

U POTPUNOSTI STE ODGOVORNI ZA KORISNIČKI SADRŽAJ KOJI STE OBEZBIJEDILI I ZA BILO KOJE POSLJEDICE KOJE NASTANU U VEZI SA TIM KORISNIČKIM SADRŽAJEM (UKLJUČUJUĆI BILO KAKAV GUBITAK ILI ŠTETU KOJU SMO PRETRPJELI MI ILI DRUGI KORISNICI). IZJAVLJUJETE I GARANTUJETE DA (I) STE VLASNIK SVIH PRAVA KOJA SE ODOSE NA KORISNIČKI SADRŽAJ ILI DA STE DRUGAČIJE OVLAŠTENI DA NAM DATE LICENCU ZA KORISNIČKI SADRŽAJ; (II) KORISNIČKI SADRŽAJ NEĆE KRŠITI BILO KOJA PRAVA INTELEKTUALNE SVOJINE ILI DRUGA PRAVA TREĆIH STRANA; (III) KORISNIČKI SADRŽAJ ĆE POŠTOVATI I BITI U SKLADU SA KLASIFIKACIJOM PRAVILA I ZAHTJEVA ZA BILO KOJI UZRASST (UKLJUČUJUĆI TAČNU I ADEKVATNU KLASIFIKACIJU I OCJENJIVANJE BILO KOG KORISNIČKOG SADRŽAJA, KAO ŠTO MOŽE BITI SLUČAJ) PREMA VAŽEĆEM ZAKONU.

PROMJENA / RASKID

PROMJENA | Možemo bilo kada:

1. Promijeniti, dodati, obustaviti ili ukloniti funkcije iz naših Usluga.
2. Obustaviti ili raskinuti vaše pravo na korištenje naših Usluga, uključujući pristup vašem računu ili podacima.
3. Prethodno provjeriti, pregledati, označiti, filtrirati, modificirati, odbiti, blokirati pristup ili ukloniti bilo koji ili cijeli sadržaj iz naših Usluga.

OTKAZIVANJE OVIH USLOVA | S VAŠE STRANE | Možete u bilo kom trenutku da otkazete ove Uslove tako što ćete izbrisati svoj Samsung account i prestati da koristite naše Usluge.

RASKID OVIH USLOVA | OD STRANE KOMPANIJE SAMSUNG | Možemo obustaviti ili izbrisati vaš Samsung account ili prestati da vam pružamo sve ili dio naših Usluga u bilo koje vrijeme, ako:

1. S pravom sumnjamo da ste prekršili ove Uslove ili uputstva koja pružamo u našim Uslugama.
2. Jasno pokažete (direktno ili kroz svoje postupke, izjave ili na drugi način) da nemate namjeru da se pridržavate ovih Uslova.
3. Odlučimo prekinuti sve ili dio naših Usluga (bilo širom svijeta, bilo u zemlji u kojoj imate prebivalište ili u kojoj koristite naše Usluge).
4. Važeći zakon predviđa da otkazemo sve ili dio naših Usluga (na primjer, ako zbog promjena u važećem zakonu ili zbog sudskih odluka ili presuda, zbog kojih Usluge ili dijelovi njih, postanu ili se smatraju nezakonitim).

Ako suspendujemo ili izbrišemo vaš Samsung account, pokušat ćemo da vas obavijestimo o tome koristeći adresu e-pošte povezanu sa vašim računom ili ćemo vas obavijestiti sljedeći put kada pokušate

da pristupite svom računu ili našim Uslugama, u zavisnosti od okolnosti. U svim takvim slučajevima, ovi Uslovi će se raskinuti, uključujući, bez ograničenja, vašu licencu za korištenje naših Usluga. To znači da morate prestati koristiti sve naše Usluge. Raskid ovih Uslova ne dovodi u pitanje bilo koja prava, obaveze i zakonske obveze koje ste vi ili mi stekli, ili su nastale tokom trajanja ovih Uslova.

OBAVJEŠTENJE | Pružit ćemo vam razumno obavještenje o bilo kakvoj promjeni, obustavi ili prekidu naših Usluga, osim ako to nije hitno, u tom slučaju ćemo vas obavijestiti istovremeno sa promjenom, obustavom ili prekidom. U najvećoj mjeri dozvoljenoj Važećim zakonom, nećemo snositi odgovornost ni u vezi sa vama ni u vezi sa bilo kojim trećim licem ako ostvarimo takva prava.

ODGOVORNOST

OGRANIČENJE ODGOVORNOSTI | U najvećoj mjeri dozvoljenoj Važećim zakonom nećemo biti odgovorni za gubitak, štetu ili odgovornost (i) ako je gubitak indirektan, slučajan, poseban, posljedični ili sadrži uzornu ili kaznenu štetu, (ii) za bilo kakav gubitak profita, gubitak poslovanja, gubitak mogućnosti, gubitak podataka ili (iii) kada se gubitak odnosi na greške, propuste, povezivanje ili probleme u vezi sa povezivanjem ili na mrežne troškove. (Imajte na umu da možda nije moguće isključiti odgovornost za indirektnu štetu itd. u vašoj zemlji; u tom slučaju se ova odredba ne odnosi na vas.)

1.1. Ništa u ovim Uslovima ne isključuje niti ograničava našu odgovornost za (i) smrt ili ličnu povredu uzrokovanu našim nemarom, (ii) prevaru ili lažno predstavljanje, (iii) svako drugo pitanje za koje bi bilo nezakonito za nas da isključimo ili pokušamo isključiti našu odgovornost.

ODŠTETA | Ako, uz našu izričitu saglasnost, koristite naše Usluge kao dio poslovanja, trgovine ili struke, pristajete na odštetu, odbranu i oslobađanje od odgovornosti nas, naših davaoca licence, naših agenata i svih službenika, direktora i zaposlenih za sve zahtjeve trećih strana, tužbe, gubitke, štete, novčane obaveze, presude, grantove, troškove i rashode (uključujući razumne naknade advokata) koje proizilaze iz: (i) vaše upotrebe naših Usluga ili upotrebe bilo koje osobe kojoj dozvoljavate da koristi naše Usluge, a koja nije u skladu s ovim Uslovima, (ii) bilo kojeg kršenja ovog Ugovora od strane vas ili bilo koje osobe kojoj vi dozvolite upotrebu naših Usluga ili (iii) bilo kakvo kršenje bilo kojeg zakona, propisa ili prava bilo koje treće strane od vas ili bilo koje osobe kojoj dozvoljavate da koristi naše Usluge.

OPĆE

POLITIKA U VEZI S AUTORSKIM PRAVIMA | Poštujemo prava intelektualne svojine drugih. Možemo obustaviti ili izbrisati račun ili prestati pružati cjelokupan ili dio naših Usluga za račun, ako opravdano vjerujemo da je takav račun u više navrata kršio prava intelektualne svojine.

MJERODAVNO PRAVO / RJEŠAVANJE SPOROVA | Ovi Uslovi i vaš odnos sa nama prema ovim Uslovima će biti regulisan i tumačit će se u skladu sa zakonskom regulativom zemlje u kojoj vam je prebivalište, bez obzira na njene odredbe o sukobu zakona. Ovi Ugovori nisu regulisani Konvencijom Ujedinjenih nacija o ugovorima za međunarodnu prodaju robe, čija se primjena izričito izuzima. Ako koristite Usluge za ličnu upotrebu, tada će sva pravna pitanja koja nastaju u vezi sa ovim Uslovima koja nisu sporazumno riješena, biti podložna neisključivoj nadležnosti sudova zemlje u kojoj vam je prebivalište. Alternativno, imate pravo da se obratite licima za alternativno rješavanje sporova radi rješavanja spora, kao što je platforma za online rješavanje sporova (ODR) (dostupno na <http://ec.europa.eu/odr>) ili lokalni panel za rješavanje sporova koji radi u vašem pravnom sistemu.

Ako, uz našu izričitu saglasnost, koristite naše Usluge kao dio vašeg poslovanja, trgovine ili profesije, onda će sva pravna pitanja koja nastaju u vezi sa ovim Uslovima biti podložna arbitražnom postupku na engleskom jeziku, prema arbitražnim pravilima Međunarodne privredne komore na lokaciji tuženog. Bez obzira na prethodno navedeno, možemo da zatražimo mjere zaštite (ili ekvivalentan tip hitne pravne zaštite) u svakom nadležnom sudu.

CJELOVITOST UGOVORA / NIŠTAVNE ODREDBE | Ovi Uslovi, naša Politika privatnosti, bilo koji dodatni Uslovi koji prate naše Usluge, bilo kakve izmjene i bilo koji dodatni ugovori koje možete zaključiti sa nama čine cjelovit ugovor između vas i nas u vezi sa našim Uslugama, i zamjenjuju sve prethodne ili istovremene usmene ili pismene komunikacije, prijedloge i izjave u vezi sa našim Uslugama ili bilo kojim predmetom obuhvaćenim ovim Uslovima. Ako se bilo koja odredba ovih Uslova smatra nevažećom, nezakonitom ili neizvršivom (u cjelini ili djelomično), onda će ta odredba biti ograničena ili eliminisana u minimalnom potrebnom obimu, a preostale odredbe ovih Uslova će u cijelosti ostati na snazi. Možda ćete biti podložni dodatnim uslovima i odredbama koji regulišu vaše korišćenje usluga, sadržaja ili softvera trećih strana.

NEODUSTAJANJE OD ODGOVORNOSTI | Ako ne praktikujemo ili ne primijenimo bilo kakvo zakonsko pravo ili pravni lijek koji je utvrđen ovim Uslovima ili od koga imamo korist prema bilo kojem Važećem zakonu, to se neće tumačiti kao formalno odricanje naših prava ili pravnih lijekova i takva prava ili pravni lijekovi nam ostaju na raspolaganju.

ZADRŽAVANJE PRAVA I POVRATNE INFORMACIJE | Ništa u ovim Uslovima ne daje vam pravo da koristite Samsung naziv ili bilo koji od Samsung zaštitnih znakova, logotipa, imena domena i drugih karakterističnih marki. Sva prava, vlasništva i udio u i nad našim Uslugama (osim sadržaja trećih strana) jesu i ostat će isključivo vlasništvo kompanije Samsung i njenih davalaca licence. Ako odlučite staviti na raspolaganje bilo kakve komentare, ideje, povratne informacije ili prijedloge, slobodno ćemo koristiti takve komentare, ideje, povratne informacije ili sugestije kako smatramo prikladnim i bez ikakvih obaveza prema vama.

ZAKON O IZVOZU | Prihvatate i saglasni ste da ćete se pridržavati bilo kojih i svih važećih zakona prilikom korištenja naših Usluga, uključujući, ali ne ograničavajući se na, ograničenja svih Važećih zakona i propisa u vezi sa izvozom.

ODRŽIVOST | Sve odredbe ovih Uslova koje bi po svojoj prirodi trebalo da ostanu na snazi, uključujući, ali se ne ograničavajući na odjeljke: Vlasništvo, Odricanje od garancije, Ograničavanje odgovornosti, Odšteta i Opće ostaju na snazi nakon isteka ili raskida ovih Uslova te ostaju važeće i obavezujuće.

ELEKTRONSKE KOMUNIKACIJE | Saglasni ste da ćete primati sve sporazume, obavještenja, objelodanjivanja i druge komunikacije u elektronskom obliku, uključujući i putem e-pošte, automatskih obavještenja, iskočnog prikaza ili tekstualnih poruka.

POSEBNI USLOVI USLUGA

Ovi Uslovi se uglavnom odnose na sve naše

Usluge, dok se uslovi iz ovog odjeljka („Posebni uslovi“) odnose samo na navedene Usluge. Ako postoji bilo kakav sukob između ovih Posebnih uslova i ovih Uslova, primjenjivat će se Posebni uslovi. Dodatno možemo pružiti odvojene uslove, politike i smjernice u okviru svake Usluge.

Samsung Cloud | Ukoliko vas drugačije ne obavijestimo u vezi s periodom pohrane podataka u ovoj odredbi ili putem zasebnog obavještenja, ako ne koristite uslugu Samsung Cloud duže od dvanaest (12) mjeseci, zadržavamo pravo na brisanje svog vašeg sadržaja pohranjenog na usluzi Samsung Cloud. Čak i ako koristite uslugu Samsung Cloud, ukoliko ne koristite sadržaj u određenoj kategoriji usluge Samsung Cloud (npr. kontakti, kalendar, slike, videozapisi, podaci o tastaturi) duže od dvanaest (12) mjeseci, zadržavamo pravo na brisanje odgovarajuće kategorije i sadržaja u njoj. Pružit ćemo vam obavještenje trideset (30) dana unaprijed prije bilo kakvog brisanja vašeg sadržaja. U svrhe ove odredbe, „korištenje” ili „korišteno” označava pristupanje, otpremanje ili preuzimanje sadržaja s usluge Samsung Cloud. Imajte na umu da se ova odredba ne primjenjuje prilikom korištenja opcije usluge Samsung Cloud na koju ste pretplaćeni. Ako ne napravite sigurnosnu kopiju bilo kojeg sadržaja sa svog uređaja u usluzi Samsung Cloud duže od dvanaest (12) mjeseci, zadržavamo pravo brisanja sadržaja za koji je izrađena sigurnosna kopija s takvog uređaja u usluzi Samsung Cloud (npr. SMS, MMS, podaci o instalacionom paketu aplikacija, postavke aplikacije, muzičke datoteke, datoteke s dokumentima, glasovne snimke, postavke uređaja). Pružit ćemo vam datum isteka sigurnosne kopije unutar aplikacije Samsung Cloud trideset (30) dana prije bilo kakvog brisanja vaših sadržaja. Ako kreirate privremenu kopiju podataka koristeći privremenu uslugu sigurnosne kopije usluge Samsung Cloud (ime usluge povremeno može biti promijenjeno), možete je obnoviti samo unutar perioda pohrane o kojem ste bili obavješteni prilikom kreiranja privremene sigurnosne kopije podataka. Vaši podaci će možda biti izbrisani nakon isteka perioda pohrane o kojem ste obavješteni. Pobrinite se da redovito kreirate sigurnosnu kopiju podataka, također i prije isteka perioda pohrane o kojem ste obavješteni. Odgovorni ste za kreiranje sigurnosne kopije sadržaja na vlastitim uređajima za pohranu podataka, jer mi ne garantujemo niti jamčimo da ćete uvijek moći preuzeti sadržaj koji pohranjujete ili kopirate preko usluge Samsung Cloud. Prihvatate i slažete se da kompanija Samsung nije odgovorna za bilo kakav gubitak koji nastane zbog toga što niste obezbijedili zasebnu sigurnosnu kopiju ili zasebno pohranili svoj sadržaj.

Samsung Health | SAMSUNG HEALTH JE NAMIJENJEN SAMO ZA ODRŽAVANJE KONDICIJE I OČUVANJE OPĆEG ZDRAVLJA I NIJE NAMIJENJEN ZA KORIŠTENJE U DIJAGNOSTICI BOLESTI ILI DRUGIH STANJA, NITI ZA LIJEČENJE, UBLAŽAVANJE SIMPTOMA, TERAPIJU ILI PREVENCIJU BOLESTI. SAMSUNG HEALTH NIJE NAMIJENJEN ZA KORIŠTENJE U OTKRIVANJU, DIJAGNOSTICI, PRAĆENJU, REGULISANJU ILI LIJEČENJU BILO KAKVOG MEDICINSKOG STANJA, BOLESTI ILI VITALNOG FIZIOLOŠKOG PROCESA ILI ZA PRENOS VREMENSKI OSJETLJIVIH INFORMACIJA O ZDRAVLJU. SVE INFORMACIJE KOJE SU PRONAĐENE, PRIBAVLJENE ILI KOJIMA JE PRISTUPANO PUTEM APLIKACIJE SAMSUNG HEALTH SU DOSTUPNE SAMO ZA VAŠU UPOTREBU I NE SMIJU SE SMATRATI MEDICINSKIM SAVJETOM. TREBALO BI DA POTRAŽITE MEDICINSKI SAVJET LJEKARA PRIJE NEGO ŠTO ZAPOČNETE NOVI REŽIM ZA KONDICIJU ILI ŽIVOTNI STIL. RAZUMIJETE I PRIHVATATE DA SVE INFORMACIJE KOJE DOBIJETE OD APLIKACIJE SAMSUNG HEALTH MOŽDA NEĆE BITI POGODNE, TAČNE, KOMPLETNE ILI POUZDANE I DA KOMPA NIJA SAMSUNG, OSIM KADA JE DRUGAČIJE PREDVIĐENO OVIM USLOVIMA KORIŠTENJA, NEĆE BITI ODGOVORNA ZA BILO KOJE POVREDE, ŠTETU, GUBITKE I/ILI TROŠKOVE U VEZI SA APLIKACIJOM SAMSUNG HEALTH, NITI ZA TAČNOST ILI POUZDANOST BILO KOJIH INFORMACIJA KOJE SU PRONAĐENE, PRIBAVLJENE ILI KOJIMA JE PRISTUPANO PUTEM APLIKACIJE SAMSUNG HEALTH. POTVRĐUJETE I SLAŽETE SE DA KOMPA NIJA SAMSUNG NIJE ANGAŽOVANA ZA PRUŽANJE USLUGE MEDICINSKE PRAKSE I DA KOMPA NIJA SAMSUNG NE ODREĐUJE ODGOVARAJUĆE MEDICINSKO KORIŠTENJE APLIKACIJE SAMSUNG HEALTH. APLIKACIJA SAMSUNG HEALTH NE GENERIŠE NIKAKVE INDIVIDUALNE POGODNOSTI ZA PACIJENTE.

Samsung Pass | VI STE ISKLJUČIVO ODGOVORNI ZA NASTANAK BILO KOJE ŠTETE ILI GUBITKA AKO DOZVOLITE DRUGOJ OSOBI DA KORISTI ILI UPRAVLJA VAŠIM UREĐAJEM, USLUGOM SAMSUNG PASS ILI VAŠIM RAČUNOM SAMSUNG ACCOUNT. VAŠA JE ODGOVORNOST DA ODRŽAVATE SIGURNOST SVOG UREĐAJA. NE ODGOVARAMO ZA GUBITKE ILI ŠTETU NASTALU ZBOG VAŠEG IZGUBLJENOG, UKRADENOG ILI OŠTEĆENOG UREĐAJA. MOŽETE DA REGISTRUJETE SVOJE BIOMETRIJSKE PODATKE DA BISTE POTVRDILI SVOJ IDENTITET KADA KORISTITE USLUGU SAMSUNG PASS. OVO POMAŽE U SPRJEČAVANJU DRUGIH DA KORISTE USLUGU SAMSUNG PASS U SLUČAJU DA IZGUBITE UREĐAJ. SLAŽETE SE DA ĆETE NAS ODMAH OBAVIJESTITI AKO VAŠ RAČUN POSTANE POZNAT NEKOM DRUGOM ILI JE NA NEKI DRUGI NAČIN UGROŽEN.

Samsung SmartThings i Samsung Find | ODREĐENI PROIZVODI I/ILI PROIZVODI TREĆE STRANE MOŽDA NEĆE RADITI ILI ĆE PRESTATI S RADOM U APLIKACIJI SMARTTHINGS, BEZ OBZIRA NA TO ŠTO PODRŽAVAJU ISTE STANDARDE. NE DAJEMO BILO KAKVU GARANCIJU ILI JAMSTVO O KOMPATIBILNOSTI ZA PROIZVODE TREĆIH STRANA, IAKO SE TIM PROIZVODIMA TREĆIH STRANA MOŽE PRISTUPITI PUTEM APLIKACIJE SMARTTHINGS. IMAJTE NA UMU DA AKO DODATE ČLANOVE, TI ČLANOVI ĆE IMATI POTPUNI PRISTUP I KONTROLU NAD BILO KOJIM I SVIM VAŠIM POVEZANIM PROIZVODIMA.

- PRONAĐI OSOBE

S VREMENA NA VRIJEME ĆETE DOBIVATI OBAVJEŠTENJE KADA NEKO PRETRAŽI LOKACIJU VAŠEG UREĐAJA NAKON DOBIJANJA VAŠE DOZVOLE PREKO FUNKCIJE „PRONAĐI OSOBE” APLIKACIJE SAMSUNG FIND.

- PRETRAŽIVANJE NEPOZNATE OZNAKE / UPOZORENJE ZA NEPOZNATU OZNAKU

AKO SE ZA OZNAČENI UREĐAJ KOMPANIJE SAMSUNG ILI DRUGE KOMPATIBILNE OZNAČENE UREĐAJE TREĆE STRANE KOJI VAM NISU POZNATI UTVRDI DA SE NALAZE U VAŠOJ NEPOSREDNOJ BLIZINI NA PRODUŽENI VREMENSKI PERIOD, MOGU VAM SE PRUŽITI KORACI KAKO LOCIRATI UREĐAJ PUTEM FUNKCIJE „UPOZORENJE ZA NEPOZNATU OZNAKU”. MOŽETE I RUČNO PRETRAŽITI NEPOZNATE OZNAKE PUTEM FUNKCIJE „PRETRAŽIVANJE NEPOZNATE OZNAKE”.

AKO PROMIJENITE REGISTROVANU DRŽAVU SAMSUNG ACCOUNT RAČUNA, RAČUN ĆE BITI POVUČEN S APLIKACIJA SMARTTHINGS I SAMSUNG FIND. A VAŠI PODACI NA SMARTTHINGS SERVERU I U APLIKACIJI SAMSUNG FIND ĆE SE IZBRISATI.

U OVOM SLUČAJU, MOŽETE SE PRIJAVITI NA OSNOVU PROMIJENJENE REGISTROVANE DRŽAVE I KORISTITI SMARTTHINGS I SAMSUNG FIND.

Samsung Digital Key | Odgovorni ste za zaštitu svoje usluge Digital Key. Svako ko ima pristup vašem uređaju ili vašem Samsung accountu moći će koristiti vaš Digital Key i bilo koje srodne usluge, pa osigurajte da svoj uređaj ili Samsung account ne dijelite s drugima. Nije vam dozvoljeno da koristite tuđi Digital Key bez dozvole. Budite oprezni i nemojte izgubiti svoj Digital Key, ili dozvoliti da bude ukraden ili oštećen. Kompanija Samsung nije odgovorna za gubitke ili štetu koju izazovete vi ili druga osoba tokom korištenja usluge Digital Key, bilo da ste toj osobi dali dozvolu ili ne.

Samsung Internet | OVAJ PROIZVOD JE LICENCIRAN PREMA AVC LICENCI ZA PORTFOLIJ PATENTA ZA LIČNU I NEKOMERCIJALNU UPOTREBU KORISNIKA ZA (i) KODIRANJE VIDEO MATERIJALA U SKLADU S AVC STANDARDOM (“AVC VIDEO MATERIJAL”) I/ILI (ii) DEKODIRANJE AVC VIDEO MATERIJALA KOJI JE

KODIRAO KUPAC ANGAŽOVAN U LIČNE I NEKOMERCIJALNE AKTIVNOSTI I/ILI JE DOBIJEN OD VIDEO PARTNERA LICENCIJERANOG DA PRUŽI TAKAV AVC VIDEO MATERIJAL. LICENCA SE NE DAJE NITI PODRAZUMIJEVA ZA BILO KOJU DRUGU UPOTREBU. DODATNE INFORMACIJE SE MOGU DOBITI OD MPEG LA, L.L.C, POGLEDATI [HTTP://WWW.MPEGLA.COM](http://www.mpegla.com).

Inteligentne funkcije |

Za potrebe ovih uslova, izraz „inteligentne funkcije” će označavati određene funkcije na uslugama s kojima lakše uređujete fotografije i videozapise, dobijate prijedloge za potrebne radnje te slušate veb stranice i članke koji se čitaju naglas. Određene funkcije su dostupne na odabranim uređajima serije A i mogu se povremeno ažurirati. Dostupnost funkcija zavisi od modela uređaja. Dostupne funkcije na svom uređaju pogledajte u meniju Postavke.

A. Prilagođeni filter (kamera)

- Kreirajte vlastiti filter koji odgovara vašem ličnom ukusu.

B. Uređivanje prijedloga (Galerija)

- Otkrijte nove pametne načine da poboljšate svoje fotografije.

C. Automatsko skraćivanje (Studio)

- Brzo skratite videozapise kako bi sadržavali najbolje trenutke. (podržano samo na određenim modelima)

D. Najbolje lice (Urednik fotografija, Galerija)

- Popravite lica sa zatvorenim očima ili čudnim izrazima u nekoliko dodira. (podržano samo na određenim modelima)

E. Brisač predmeta (Urednik fotografija, Galerija)

- Jednostavno izbrišite neželjene osobe i predmete sa slika.

F. AI odabir (Edge tabla, komanda u vazduhu)

- Odaberite željenu stavku na ekranu da dobijete prijedloge za radnje za nju.

G. Čitajte naglas (Samsung Internet)

- Slušajte veb stranice i članke koji se čitaju naglas.

Napredna inteligencija |

Za potrebe ovih Uslova, napredna inteligencija će označavati funkcije koje vam pomažu da prevedete, sažete ili generišete između ostalog i različite kreativne sadržaje. Ove funkcije možete pronaći u nastavku, a one se mogu ažurirati s vremena na vrijeme. Radi pojašnjenja, ove funkcije ne uključuju aplikacije ili usluge trećih strana. Korištenje navedenih aplikacija i usluga podliježe važećem ugovoru krajnjeg korisnika treće strane.

A. Pomoć za poziv (telefon)

- Dobijte prevod u stvarnom vremenu u aplikaciji Samsung Phone i aplikacijama za VoIP pozive trećih strana.

B. Pomoć za pisanje (Samsung tastatura, alati funkcije Pomoć za pisanje kojima se može odabrati tekst, Obavještenja, Obavještenja na satu) (za modele koji podržavaju funkciju Predloženi odgovori)

- Promijenite stil pisanja
- Dobijte gramatičke i pravopisne prijedloge
- Kreirajte sažetke
- Organizirajte tekst u teze ili tabele
- Sastavite novi tekst na osnovu isječka ili prijedloga
- Prevedite poruke u odabranim aplikacijama za časkanje.
- Prenesite predložene odgovore u tekstualne poruke.

Pomoć za pisanje (Samsung tastatura, alati funkcije Pomoć za pisanje kojima se može odabrati tekst) (za modele koji ne podržavaju funkciju Predloženi odgovori)

- Promijenite stil pisanja
- Dobijte gramatičke i pravopisne prijedloge
- Kreirajte sažetke
- Organizirajte tekst u teze ili tabele
- Sastavite novi tekst na osnovu isječka ili prijedloga
- Prevedite poruke u odabranim aplikacijama za časkanje.

C. Pomoć za fotografije (Urednik fotografija, Kontakti, Galerija, AI odabir (Pametni izbor))

- Pomiče ili briše osobu ili objekt na slici, pretvara portret u različite stilove ili rekonstruiše sliku crtanjem objekta.

D. Tumač

- Prevođenje govornih razgovora ili govora uživo, dostupno kao glasovni ili tekstualni izlaz.

E. Pomoćnik za bilješke (Samsung Notes)

- Automatsko formatiranje, sažimanje, provjera pravopisa i prevođenje teksta ili rukom pisanih bilješki. Prepišite i sumirajte snimke. Ukrasite bilješke naslovnica i slikama koje je generirala umjetna inteligencija.

F. Pomoć za transkripciju (Snimač govora)

- Pretvorite snimke u tekstualne transkripte i sažetke koje možete pregledati i prevesti.

G. Pomoć pri pretraživanju (Samsung Internet)

- Dobijte jednostavne sažetke web stranica, prevodite tekst i slike, čitajte web stranice naglas i slušajte istaknute stavke iz članaka i objava na odabranim web lokacijama.

H. Fotografski ambijent (Pozadina i stil)

- Pogledajte kako napredna inteligencija mijenja vašu vlastitu fotografiju na osnovu vremena i vremenskih uslova.

I. Pomoć za crtanje (Komanda u vazduhu, AI odabir (Pametni izbor), Samsung Notes, Edge tabla, Samsung tastatura, Samsung Internet)

- Pretvorite svoj crtež u zadivljujuća umjetnička djela, transformišite sve slike u različite stilove i kreirajte prilagođene naljepnice dok kucate ili crtate.

J. Bixby

- Dobijte odgovore kada imate pitanja o tome kako koristiti uređaj ili vam je potrebna pomoć u rješavanju problema dok koristite uređaj.

K. Pomoć za zdravlje (Samsung Health)

- Dobijte AI uvide u svoj dnevni energetske rezultat.

L. Now brief (Edge tabla, Widget, Now bar)

- Pružamo pronicljive poruke i preporuke zasnovane na obrascima i preferencama korisnika.

M. Brisač zvuka (Urednik video materijala, Galerija)

- Izolirajte i eliminišite zvukove u video materijalima.

Funkcije napredne inteligencije generišu izlaz ili sadržaj („Izlaz”) na osnovu unosa tekstova, snimaka, slika ili drugih mjerodavnih informacija („Unos”).

Korištenjem funkcija napredne inteligencije, razumijete i prihvatate sljedeće:

1 Funkcije napredne inteligencije mogu pružiti:

1.1 netačan ili neodgovarajući Izlaz koji ni na koji način ne predstavlja stavove kompanije Samsung niti se može tumačiti kao podrška kompanije Samsung za dati Izlaz; ili

1.2 isti ili sličan Izlaz za više korisnika.

2 Samsung ne daje nikakva obećanja, jamstva ili garancije u pogledu tačnosti, potpunosti ili pouzdanosti Izlaza koji pružaju funkcije napredne inteligencije;

3 Vaše korištenje funkcija napredne inteligencije podliježe vašem prihvatanju i usklađenosti sa svim mjerodavnim zakonima i dole navedenim uslovima, kao i dodatnim uslovima, pravilima i smjernicama koje vam mogu biti dostupne i koje se s vremena na vrijeme mogu ažurirati.

3.1 Ne smijete koristiti funkcije napredne inteligencije i/ili njihov Unos/Izlaz u sljedećim slučajevima:

3.1.1 za onemogućavanje, ometanje ili zaobilazak bilo kojih aspekata funkcija napredne inteligencije;

3.1.2 za distribuciju virusa, crva, trojanskih konja, oštećenih datoteka, obmana ili drugih stavki destruktivne ili obmanjujuće prirode;

3.1.3 za dobijanje neovlaštenog pristupa, ometanje ili narušavanje korištenja funkcija napredne inteligencije ili opreme koja se koristi za pružanje funkcija napredne inteligencije;

3.1.4 za pristupanje ili korištenje funkcija napredne inteligencije na način koji ima za cilj izbjegavanje naknada;

3.1.5 za generisanje, distribuciju, objavljivanje ili omogućavanje neželjenih masovnih poruka, e-pošte, promocija, reklama ili drugih poziva;

3.1.6 za kopiranje, modificiranje, kreiranje izvedenih radova, obrnuti inženjering, dekompiliranje, prevođenje, rastavljanje ili da biste na drugi način pokušali izdvojiti bilo koji izvorni kôd funkcija napredne inteligencije (osim u mjeri u kojoj je takvo ograničenje izričito zabranjeno mjerodavnim zakonom);

3.1.7 za prodaju, podlicenciranje, prenos ili distribuciju funkcija napredne inteligencije;

3.1.8 za bavljenje, promociju ili podsticanje nezakonitih aktivnosti, uključujući seksualnu eksploataciju djece, zlostavljanje djece ili terorizam ili nasilje koje može izazvati smrt, ozbiljnu štetu ili povredu pojedinaca ili grupa pojedinaca;

3.1.9 za bilo koju svrhu koja je nezakonita, invazivna, koja krši zakone te koja je klevetna ili prevarna, uključujući eksplicitne slike bez pristanka (NCEI), kršenje prava intelektualne svojine, krađu identiteta i stvaranje piramidalne šeme;

3.1.10 za medicinske, pravne, finansijske ili druge stručne savjete. Izlaz funkcija napredne inteligencije služi u informativne svrhe i samo za lično pozivanje i ne bi trebalo da zamijeni savjet kvalifikovanog stručnjaka;

3.1.11 za pristup ili korištenje funkcija napredne inteligencije radi aktivnosti za koje se razumno očekuje da bi korištenje ili neuspjeh funkcija napredne inteligencije rezultirao smrću, ozbiljnim povredama ili ozbiljnom ekološkom ili imovinskom štetom (kao što je stvaranje ili operisanje oružjem);

3.1.12 za korištenje funkcija napredne inteligencije radi generisanja i distribucije Izlaza namijenjenih dezinformisanju, lažnom predstavljanju ili dovođenja u zabludu bilo kojeg pojedinca ili lica, uključujući, ali ne ograničavajući se na

i. namjerno lažno predstavljanje porijekla Izlaza, kao što je tvrdnja da je Izlaz, kojeg su generisale funkcije napredne inteligencije, napravio čovjek ili tvrdnja je Izlaz originalno djelo radi obmane ili lažnog predstavljanja;

ii. generisanje i distribuciju Izlaza koji oponaša živu ili preminulu osobu, druge institucije ili treća lica u cilju obmane ili lažnog predstavljanja;

iii. korištenje funkcija napredne inteligencije za lažne ili pogrešne tvrdnje o stručnosti ili sposobnosti, uključujući, ali ne ograničavajući se na područja koja bi se mogla smatrati posebno osjetljivim, kao što su zdravlje, finansije, državne službe ili pravo; ili

iv. korištenje funkcija napredne inteligencije za donošenje odluka u oblastima koje bi mogle imati uticaj na prava ili dobrobit pojedinca, kao što su finansije, pravo, zapošljavanje, zdravstvena zaštita, stanovanje, osiguranje i socijalna zaštita.

3.1.13 za obuku ili fino podešavanje bilo kojeg modela mašinskog učenja ili bilo kojeg drugog modela umjetne inteligencije;

3.1.14 za korištenje funkcija napredne inteligencije na način koji narušava, prisvaja ili krši nečija prava, ili na način koji podstiče kršenje, prisvajanje ili kršenje prava bilo koje osobe; ili

3.1.15 za pristup ili korištenje funkcija napredne inteligencije (i) za materijale ili aktivnosti koje podliježu Propisima o međunarodnom prometu oružjem (ITAR) koje održava Ministarstvo vanjskih poslova Sjedinjenih Država; (ii) na način koji krši ili uzrokuje kršenje svih važećih zakona i propisa o kontroli izvoza i ponovnog izvoza; ili (iii) za prenos, skladištenje ili obradu informacija o zdravlju koje podliježu HIPAA propisima Sjedinjenih Država (Zakon o prenosivosti i odgovornosti zdravstvenog osiguranja iz 1996.), osim ako je to dozvoljeno izvršenim HIPAA BAA propisima (Ugovor o poslovnom saradniku).

4 Isključivo vi ste odgovorni za odgovaranje na bilo koje i sve tužbe trećih strana koje nastanu u vezi s vašim korištenjem funkcija napredne inteligencije, uključujući, ali ne ograničavajući se na tužbe o kršenju autorskih prava ili druge tužbe koje mogu biti podignute u vezi s Izlazom generisanim funkcijama napredne inteligencije.

5 Samsung može, u bilo kojem trenutku, promijeniti neke ili sve funkcije napredne inteligencije u funkcije zasnovane na pretplati, u kom slučaju će vas Samsung o tome prethodno obavijestiti.

Dodatni uslovi | Dodatni uslovi, politike ili smjernice primjenjivat će se za sljedeće Usluge:

- Galaxy Store
- Samsung Pay
- Samsung Rewards
- Samsung Care+
- Gaming Hub
- Samsung TV Plus

Kontaktirajte(<https://www.samsung.com/sec/>) nas ako imate bilo kakva pitanja u vezi sa našim Uslugama.